



Broj: 01/04-11-4962-4/20
Sarajevo, 26.11.2020.godine

Na osnovu člana 69.stav (2) tačka d) i člana 70.stav (1) i (4) Zakona o javnim nabavkama Bosne i Hercegovine ("Službeni glasnik Bosne i Hercegovine", broj 39/14) i člana 38.stav (1) Statuta Grada Sarajeva ("Službene novine Kantona Sarajevo", broj: 34/08-Prečišćeni tekst) gradonačelnik Grada Sarajeva donosi:

ODLUKU
o poništenju postupka javne nabavke

I

Poništava se postupak javne nabavke pokrenut Odlukom broj: 01/04-11-4962-1/20 od 28.09.2020.godine putem Konkurentskog zahtjeva, za javnu nabavku "Izvođenje radova na iluminaciji postojeće fasade Akademije likovnih umjetnosti u Sarajevu", iz razloga što nijedna od primljenih ponuda nije prihvatljiva za ugovorni organ.

II

Ova odluka stupa na snagu danom donošenja.

Obrazloženje:

Odlukom broj: 01/04-11-4962-1/20 od 28.09.2020.godine pokrenut je postupak javne nabavke "Izvođenje radova na iluminaciji postojeće fasade Akademije likovnih umjetnosti u Sarajevu", putem Konkurentskog zahtjeva.

Obavještenje o javnoj nabavci objavljeno je na portalu Agencije za javne nabavke broj: 1278-7-3-209-3-40/20 od 1.10.2020.godine.

Sa portala Agencije za javne nabavke 15 (petnaest) ponuđača je preuzelo tendersku dokumentaciju. Na tendersku dokumentaciju ponuđač MALCOM d.o.o. Sarajevo je uložio žalbu.

Ured za razmatranje žalbi BiH, donio je Zaključak broj: JN2-03-07-1-2899-6/20 od 12.11.2020.godine, zaprimljen na protokol ugovornog organa dana 16.11.2020., kojim se žalba ponuđača MALCOM d.o.o. odbacuje kao neuredna. Nakon dostavljenog Zaključka od strane Ureda za razmatranje žalbi BiH, ugovorni organ je nastavio postupak javne nabavke.

Na protokol ugovornog organa zaprimljene su dvije ponude i to: "Rasvjeta" d.o.o. i "Testingelektro" d.o.o.

Komisija za javnu nabavku imenovana Rješenjem gradonačelnika broj: 01/04-11-4962-2/20 od 28.09.2020.godine, izvršila je otvaranje ponuda dana 18.11.2020.godine.



Nakon otvaranja ponuda, izvršena je detaljna analiza prispjelih ponuda te je utvrđeno sljedeće:

1. Ponuda ponuđača "Rasvjeta" d.o.o. Sarajevo nije prihvatljiva za ugovorni organ iz sljedećih razloga:
 - Ponuda nije dostavljena u skladu sa tačkom 4.2. tenderske dokumentacije kojom je propisano da ponuda mora biti čvrsto uvezana na način da se onemogući naknadno vađenje i umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogući naknadno vađenje ili umetanje listova. Ako je ponuda izrađena od više dijelova ponuđač mora u sadržaju ponude navesti od koliko se dijelova ponuda sastoji.
 - Ponuda ponuđača "Rasvjeta" d.o.o. nije u cjelosti uvezana. Nije uvezano jedanaest dijelova ponude numerisanih od broja 37 do 47. U sadržaju ponude nije navedeno od koliko se dijelova ponuda sastoji.
 - Ponuđač "Rasvjeta" d.o.o. Sarajevo nije registrovan za izvođenje radova koji su predmet javne nabavke.
 - Ponuđač "Rasvjeta" d.o.o. nije dostavio tehnički list za svaku svjetiljku i dokaz o usaglašenosti proizvoda sa standardima, u original ili ovjerenoj kopiji, tačka 3.5.1. tenderske dokumentacije.
2. Ponuda ponuđača "Testingelektro" d.o.o. Sarajevo nije prihvatljiva za ugovorni organ iz sljedećih razloga:
 - Ponuđač "Testingelektro" d.o.o. nije dostavio tehnički list za svaku svjetiljku i dokaz o usaglašenosti proizvoda sa standardima, u original ili u ovjerenoj kopiji, tačka 3.5.1. tenderske dokumentacije.

Komisija za javnu nabavku sačinila je zapisnik dana 18.11.2020.godine i dala preporuku gradonačelniku da se postupak poništi, iz razloga što nijedna ponuda prihvatljiva za ugovorni organ.

U postupku je utvrđeno da je Komisija u svemu pravilno postupila te da je preporuka o poništenju postupka data u skladu sa Zakonom o javnim nabavkama, podzakonskim i internim aktima te tenderskom dokumentacijom.

Prihvatajući preporuku Komisije, gradonačelnik donosi ovu Odluku.

POUKA O PRAVNOM LIJEKU:

Protiv ove Odluke može se izjaviti žalba putem ugovornog organa u roku od 5(pet) dana.

Gradonačelnik Grada Sarajeva
mr.Abdulah Skaka

Dostaviti:

- Ponuđačima;
- a/a